



Broj: 07-03-45-376/26
Sarajevo, 12.01.2026. godine

P O Z I V

za prijavu projekata radi uvrštavanja u Kalendar poslovnih događaja i aktivnosti od značaja za privredu Kantona Sarajevo u 2026. godini

I. PREDMET

Ministarstvo privrede Kantona Sarajevo sačinīt će Kalendar poslovnih događaja i aktivnosti od značaja za privredu Kantona Sarajevo za 2026. godinu. U tom cilju, Ministarstvo privrede Kantona Sarajevo objavljuje Javni poziv za prijavu projekata poslovnih događaja i aktivnosti koji doprinose unapređenju, promociji i razvoju privrednih aktivnosti i poslovnog ambijenta u Kantonu Sarajevo.

Prijavljeni projekti bit će razmatrani od strane stručne komisije Ministarstva privrede Kantona Sarajevo, te će projekti koji ispune propisane kriterije biti uvršteni u zvanični Kalendar poslovnih događaja i aktivnosti Ministarstva privrede Kantona Sarajevo za 2026. godinu.

II. CILJ

Cilj ovog poziva je pružanje dodatne institucionalne podrške prepoznatim poslovnim projektima kroz njihovo uvrštavanje u Kalendar poslovnih događaja i aktivnosti od značaja za privredu Kantona Sarajevo, te njihova promocija i distribucija relevantnim institucijama, privrednim subjektima, medijima i drugim zainteresovanim akterima.

Kalendar poslovnih događaja i aktivnosti predstavlja:

1. Jedinstveno mjesto za promociju ključnih privrednih događaja i aktivnosti u Kantonu Sarajevo
2. Sredstvo za dodatno povećanje vidljivosti i prepoznatljivosti projekata u poslovnoj zajednici
3. Platformu za povezivanje organizatora, institucija i privrednih subjekata iz različitih sektora

III. USLOVI

Pravo na prijavu imaju pravna lica koja su organizatori poslovnih sajmova, manifestacija, konferencija, radionica i drugih privrednih događaja.

Prijavljeni projekti trebaju ispunjavati sljedeće uslove:

1. Da je iz projekta jasno vidljiv doprinos razvoju i unapređenju privrednih aktivnosti i poslovnog ambijenta u Kantonu Sarajevo
2. Da su planirane aktivnosti usmjerene na uključivanje lokalnih i/ili međunarodnih učesnika
3. Da projekat ima potencijal za povezivanje privrednih subjekata, institucija i drugih relevantnih aktera

IV. KRITERIJI ZA UVRŠTAVANJE PROJEKTA U KALENDAR

Prilikom ocjene pristiglih projekata, stručna komisija Ministarstva privrede Kantona Sarajevo primjenjivat će sljedeće kriterije:

1. Relevantan doprinos privredi Kantona Sarajevo
2. Inovativnost i originalnost projekta
3. Jasno definisani i ostvarivi ciljevi
4. Potencijal za umrežavanje i saradnju
5. Ciljna publika i obuhvat projekta
6. Održivost i realna mogućnost realizacije
7. Promotivni potencijal projekta u lokalnom, regionalnom i međunarodnom kontekstu

Na osnovu navedenih kriterija, komisija će utvrditi projekte koji će biti uvršteni u **Kalendar poslovnih događaja i aktivnosti od značaja za privredu Kantona Sarajevo u 2026. godini.**

V. NAČIN PRIJAVE

Prijava projekata vrši se putem online prijavnog formulara, koji sadrži osnovne podatke o podnosiocu prijave, opis projekta, planirane aktivnosti i očekivane rezultate.

VI. ROK ZA PRIJAVU

Prijave projekata za fazu izrade Kalendara poslovnih događaja i aktivnosti od značaja za privredu Kantona Sarajevo za 2026. godinu mogu se dostaviti **najkasnije do 31. januara 2026. godine.**

Ministarstvo privrede Kantona Sarajevo zadržava pravo **periodičnog ažuriranja Kalendara** i nakon njegove inicijalne izrade.



MINISTAR

Zlatko Mijatović

Dostavljeno:

1. Naslovu
2. Evidenciji
3. a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-121, Fax: + 387 (0) 33 562-226

Web: <http://mp.ks.gov.ba>, E-mail: mp@mp.ks.gov.ba